

中

乙

經

八至十二



鍼灸甲乙經卷之八目錄

五藏傳病發寒熱

上下

經絡發病入腸胃五藏積發伏梁息賁肥氣痞

氣賁肫

五藏六府脹

水膚脹鼓脹腸覃石瘕

腎風發風水面肘腫

鍼灸甲乙經卷之八

五藏傳病發寒熱第一

黃帝問曰五藏相通移皆有次五藏有病則各傳其

所勝不治法三月若六月若三日若六日傳五藏而

當死

素問下有順傳所勝之次

故曰別於陽者知病從來別於陰

者知死生之期言至其所困而死者也是故風者百

病之長也今風寒客於人使人毫毛畢直皮膚閉而

爲熱當是之時可汗而發或痺不仁腫痛當是之時

可湯熨及

本作足字

火灸刺而去弗治病入舍於肺名

曰肺痺發欬上氣弗治肺卽傳而行之肝病名曰

肝痺一名曰厥脇痛出食當是之時可按可刺弗

治肝傳之脾病名曰脾風發痺腹中熱煩心汗出黃

痺素問無汗當此之時可汗可藥可烙一本作浴弗治

脾傳之腎病名曰疝瘕少腹煩寃而痛汗出素問作出白

一名曰蠱當此之時可按可藥 弗治腎傳之心病

筋脉相引而急名之曰瘕當此之時可灸可藥 弗

治十日法當死腎傳之心心即復反傳而之肺發寒

熱法當三歲死此病之次也然其卒發者不必治其

傳化有不以次者憂恐悲喜怒令不得以其次故令

人大病矣 因而喜大虛則腎氣乘矣怒則肝氣乘

矣悲則肺氣乘矣恐則脾氣乘矣憂則心氣乘矣此

其道也故病有五五五二十五變及其傳化傳乘之

名也

大骨枯藁大肉陷下胷中氣滿喘息不便其氣勝形

期六月死眞藏脉見乃予之期日 大骨枯藁大肉
陷下胷中氣滿喘息不便內痛引肩項期一月死眞
藏脉見乃予之期日 大骨枯藁大肉陷下胷中氣
滿喘息不便內痛引肩項痛熱脫肉破脰眞藏脉見
十月之內死 大骨枯藁大肉陷下胷中氣滿腹內
痛心中不便肩項身熱脰破脫肉目眶陷眞藏脉見
目不見人立死其見人者至其所不勝之時而死
急虛中身卒至五藏閉絕脉道不通氣不往來譬之
墮溺不可爲期其脉絕不來若一息五六至其形肉
不脫眞藏雖不見猶死
眞肝脉至中外急如循刀刃責責然如按琴瑟弦色
青白不澤毛折乃死

真心脉至緊一作堅而搏如循薏苡子累累然色赤黑

不澤毛折乃死

真肺脉至大而虛如以毛羽中人膚色赤白不澤毛

折乃死

真脾脉至弱而乍疎乍數色青黃不澤毛折乃死

真腎脉至搏而絕如指彈石辟辟然色黑黃不澤毛

折乃死諸真藏脉見者皆死不治

曰寒熱癰癤在於頸腋者何氣所生曰此皆鼠瘻寒

熱之毒氣稽於脉而不去者也靈樞稽作隄字鼠瘻之本皆

在於藏其末上出頸腋之間其浮於胸中未著於肌

肉而外為膿血者易去也 曰去之柰何曰請從其

本引其末可使衰去而絕其寒熱審按其道以予之

徐往徐來以去之其小如麥者一刺知三刺已決其
死生反其目視之其中有赤脉從上下貫瞳子者見
一脉一歲死見一脉半一歲半死見二脉二歲死見
二脉半二歲半死見三脉三歲死赤脉不下貫瞳子
者可治

曰人有善病寒熱者何以候之曰小骨弱肉者善病
寒熱顴骨者骨之本也顴大則骨大顴小則骨小皮
薄而肉弱無膈其臂懦懦然其地色焔然不與天地
同色汚然獨異此其候也然臂薄者其髓不滿故善
病寒熱風感則爲寒熱皮寒熱皮不可附席毛
髮焦鼻藁腊不得汗取三陽之絡補手太陽肌寒熱
病肌痛毛髮焦唇藁腊不得汗取三陽於下以去其

血者補太陽以去其汗 骨寒骨熱痛無所安汗注不休齒本藁痛取其少陰於陰股之絡齒色藁死不治骨厥亦然 男子如蠱女子如阻身體腰脊如解不欲食先取湧泉見血視跗上盛者盡出血 灸寒熱之法先取項大椎以年爲壯數次灸掖骨以年爲壯數視背俞陷者灸之舉臂肩上陷者灸之兩季脇之間灸之外踝上絕骨之端灸之足小指次指之間灸之臑上陷脉灸之外踝後灸之缺盆骨上切之堅動如筋者灸之膺中陷骨間灸之掌束骨下灸之臍下關元三寸灸之毛際動脉灸之臍下二寸分間灸之足陽明跗上動脉灸之巔上一灸之取犬所齧處灸之卽以犬傷病法三炷灸之凡當灸二十九處

寒熱頭痛喘喝目不能視神庭主之
其目泣出頭
不痛者聽會主之
寒熱頭痛如破目痛如脫喘逆
煩滿嘔吐流汗難言頭維主之
寒熱刺腦戶

五藏傳病發寒熱第一下

寒熱取五處及天池風池腰俞長強大杼中膻內俞
上竅斷交上關關元天牖天容合谷陽谿關衝中渚
陽池消灤少澤前谷腕骨陽谷少海然谷至陰崑崙
主之
寒熱骨痛玉枕主之
寒熱懈爛一本淫灤作懶
脛痠四肢重痛少氣難言至陽主之
肺氣熱呼吸
不得卧上氣嘔沫喘氣相追逐逐胸滿脇膺急息難振
慄脉鼓氣隔胃中有熱支滿不嗜食汗不出腰脊痛
肺俞主之
寒熱心痛循循然與背相引而痛胃中

悒悒不得息咳唾血多涎煩中善饑食不下欬逆汗
不出如瘡狀目眈眈淚出悲傷心俞主之 欬而嘔
肩寒食不下寒熱皮肉膚痛少氣不得卧胃滿支兩
脇肩上兢兢脇痛腹臏胃脘暴痛上氣肩背寒痛汗
不出喉痺腹中痛積聚默然嗜卧怠惰不欲動身常
濕濕心痛無可搖者脾俞主之 欬而脇滿急不得
息不得反側腋脇下與臍相引筋急而痛反折目上
視眩目中循循然肩項痛驚狂衄少腹滿目眈眈生
白翳欬引胃痛筋寒熱唾血短氣鼻酸肝俞主之
寒熱食多身羸瘦兩脇引痛心下賁痛心如懸下引
臍少腹急痛熱面急一本作黑目眈眈久喘欬小氣溺濁
赤腎俞主之 骨寒熱溲難腎俞主之 寒熱頭痛

水溝主之 寒熱頸瘰癧大迎主之 肩痛引項寒

熱缺盆主之 身熱汗不出胸中熱滿天竅主之

寒熱肩腫引胛中痛肩臂酸臑俞主之 寒熱項瘰

適耳無聞引缺盆肩中熱痛麻痺不舉一本作手肩

貞主之 寒熱瘰目不明欬上氣唾血肩中俞主之

寒熱瘰適胸中滿有大氣缺盆中滿痛者死外潰

不死肩引項不舉缺盆中痛汗不出喉痺欬嗽血缺

盆主之 欬上氣喘暴瘖不能言及舌下挾縫青脉

頸有大氣喉痺咽中乾急不得息喉中鳴翁翁寒熱

項腫肩痛胷滿腹皮熱衄氣短哽心痛隱疹頭痛面

皮赤熱身肉盡不仁天突主之 肺系急胸中痛惡

寒胸滿悒悒然善嘔臑胷中熱喘逆氣氣相追逐多

濁唾不得息肩背風汗出面腹腫鬲中食體不下食
喉痺肩息肺脹皮膚骨痛寒熱煩滿中府主之寒
熱胸滿頭痛四肢不舉掖下腫上氣胷中有聲喉中
鳴天池主之欬脇下積聚喘逆卧不安席時寒熱
期門主之寒熱腹脹臏怏怏然不得息京門主之
寒濯濯舌煩手臂不仁唾沫唇乾引飲手腕攣指
肢痛肺脹上氣耳中生風欬喘逆痺臂痛嘔吐飲食
不下膨膨然少商主之唾血時寒時熱寫魚際補
尺澤臂厥肩膺胷滿痛目中白翳眼青轉筋掌中
熱乍寒乍熱缺盆中相引痛數欬喘不得息臂肉廉
痛上鬲飲已煩滿大淵主之寒熱胷背急喉痺欬
上氣喘掌中熱數欠伸汗出善忘四逆厥善笑溺白

列缺主之 胃中彭彭然甚則交兩手而瞽暴癉喘

逆刺經渠及天府此謂之大命 寒熱欬嘔沫掌中

熱虛則肩臂寒慄少氣不足以息寒厥交兩手而瞽

口沫出實則肩背熱痛汗出四肢暴腫身濕一本作温搖

時寒熱饑則煩飽則善面色變口噤不開惡風泣出

列缺主之 煩心欬寒熱善噦勞宮主之 寒熱唇

口乾喘息日急痛善驚三間主之 胃中滿耳前痛

齒痛目赤痛頸腫寒熱渴飲輒汗出不飲則皮乾熱

曲池主之 寒熱頸癭適欬呼吸難灸五里左取右

右取左 寒熱頸癭適肩臂不可舉臂臑俞主之

風寒熱腋門主之 寒熱頸頰腫後谿主之 寒熱

善嘔商丘主之 嘔厥寒時有微熱脇下支滿喉痛

嗑乾膝外廉痛淫灤脛痠腋下腫馬刀瘦肩腫吻傷

痛太衝主之 心如懸千金作心痛 陰厥脚膈後廉急不

可前却血癰腸澀便膿血足附上痛舌卷不能言善

笑足痿不收履溺青赤白黃黑青取并赤取漿黃取

輸白取經黑取合 血痔泄千金下有利字後重腹痛如癢

狀狂仆必有所扶持及大氣涎出鼻孔中痛腹中常

鳴骨寒熱無所安汗出不休復溜主之 男子如蠱

女子如阻寒熱少腹偏腫陰谷主之 少腹痛泄出

糜次指間熱若脉陷寒熱身痛唇渴不乾汗出毛髮

焦脫肉少氣內有熱不欲動搖泄膿血腰引少腹痛

暴驚狂言非常巨虛下廉主之 胃中滿腋下腫馬

刀瘦善自齧舌頰天牖中腫淫灤脛痠頭眩枕骨頰

腮腫目澁身痺洒浙振寒季脇支滿寒熱脇腰腹膝
外廉痛臨泣主之 寒熱頸腫巨虛主之 寒熱頸
腋下腫申脉主之 寒熱痠瘡四肢不舉腋下腫馬
刀瘦喉痺髀膝頸骨搖酸痺不仁陽輔主之 寒熱
痺頸不收陽交主之 寒熱腰痛如折束骨主之
寒熱目眈眈善欬喘逆通谷主之 寒熱善唏頭重
是寒不欲食腳攣京骨主之 寒熱篡反出承山主
之 寒熱篡後出瘕瘕脚膈痠重戰慄不能久立脚
急腫跗痛筋足攣少腹引喉嗌大便難承筋主之
跟厥膝急腰脊痛引腹篡陰股熱陰暴痛寒熱膝痠
重合陽主之

經絡受病入腸胃五藏積發伏梁息賁肥氣痞

氣奔肫第二

黃帝問曰百病始生三部之氣所傷各異願聞其會
岐伯對曰喜怒不節則傷於藏藏傷則病起於陰清
濕襲虛則病起於下風雨襲虛則病起於上是謂三
部至其淫泆不可勝數風雨寒熱不得虛邪不能獨
傷人卒然逢疾風暴雨而不病者蓋無虛邪不能獨
傷此必因虛邪之風與其身形兩虛相搏乃客其形
兩實相逢中人肉間其中於虛邪也因其天時與其
躬身參以虛實大病乃成氣有定舍因處爲名上下
內外分爲三真是故虛邪之中人也始於皮膚皮膚
緩則腠理開腠理開則邪從毛髮入毛髮入則稍深
稍深則毛髮立洒然皮膚痛留而不去則傳舍於絡

在絡之時通於肌肉其病時痛時息大經乃代留而
不去傳舍於經在經之時洒淅善驚留而不去傳舍
於俞在俞之時六經不通四節卽痛腰脊乃強留而
不去伏舍於伏衝之脈在伏衝之脈時身體重痛留
而不去傳舍於腸胃在腸胃之時賁嚮腹脹多寒則
腸鳴殭泄不化多熱則溏出糜留而不去傳舍於腸
胃之外募原之間留著於脈稽留而不去息而成積
或著孫絡或著脈絡或著經脈或著俞脈或著於伏
衝之脈或著於膂筋或著於腸胃之募原上連於緩
筋邪氣淫泆不可勝論其著孫絡之脈而成積往來
上下擘音拍破乎素作手孫絡之居也浮而緩不能拘
積而止之故往來移行腸胃之外湊滲注灌濯濯有